



**GALICIAN A1 – STANDARD LEVEL – PAPER 1**  
**GALICIEN A1 – NIVEAU MOYEN – ÉPREUVE 1**  
**GALLEGO A1 – NIVEL MEDIO – PRUEBA 1**

Monday 14 May 2007 (morning)

Lundi 14 mai 2007 (matin)

Lunes 14 de mayo de 2007 (mañana)

1 hour 30 minutes / 1 heure 30 minutes / 1 hora 30 minutos

---

**INSTRUCTIONS TO CANDIDATES**

- Do not open this examination paper until instructed to do so.
- Write a commentary on one passage only. It is not compulsory for you to respond directly to the guiding questions provided. However, you may use them if you wish.

**INSTRUCTIONS DESTINÉES AUX CANDIDATS**

- N'ouvrez pas cette épreuve avant d'y être autorisé(e).
- Rédigez un commentaire sur un seul des passages. Le commentaire ne doit pas nécessairement répondre aux questions d'orientation fournies. Vous pouvez toutefois les utiliser si vous le désirez.

**INSTRUCCIONES PARA LOS ALUMNOS**

- No abra esta prueba hasta que se lo autoricen.
- Escriba un comentario sobre un solo fragmento. No es obligatorio responder directamente a las preguntas que se ofrecen a modo de guía. Sin embargo, puede usarlas si lo desea.

*Comenta un dos seguintes textos:*

**1. (a)**

### **Sobre a morte de Bieito**

Foi preto do camposanto cando eu sentín buligar dentro da caixa ó pobre Bieito. (Dos catro que levaban o cadaleito eu era un). ¿Sentino ou foi aprehensión miña? Entón non podería aseguralo. ¡Foi un rebulir tan maino!... Como a teimosa puvulla que rila, rila na noite, rila no meu maxín afervoadó aquel mainiño rebulir.

5 Pero é que eu, meus amigos, non tiña seguranza, e sólo tanto –comprendede, escoitade– sólo tanto non podía, non debía decir nada.

Imaxinade nun intre que eu dixera:

–O Bieito vai vivo.

Tódalas testas dos velliños que portaban cirios ergueríanse nun babeco aglaio. Tódolos 10 pícaros que viñan estendendo a palma da man baixo o pingotear da cera, virían en remuíño ó redor meu. Apiñocaríanse as mulleres a carón do cadaleito. Escorregaría por tódolos beizos un murmurar sobrecolleito, insólito:

–¡O Bieito vai vivo, o Bieito vai vivo!...

15 Calaría o lamento da nai e das irmás, e axiña tamén, descompásándose, a gravedosa marcha que planxía nos bronces da charanga. E eu sería o gran revelador, o salvador, eixo de tódolos asombros e de tódalas gratitudes. E o sol na miña face cobraría unha importancia imprevista.

¡Ah! ¿E se entón, ó ser aberto o cadaleito, a miña sospeita resultaba falsa? Todo aquel 20 magno asombro viraríase macabro e incommensurable ridículo. Toda a arelante gratitudine da nai e das irmáns, tornaríase despeito. O martelo espetando de novo a caixa tería un son sinistro e único na tarde estantía. ¿Comprendedes? Por iso non dixen nada.

Houbo un intre en que case me decidín. Dirixinme ó da miña banda e acobexando a pregunta nun sorriso de retranca insinuei:

–¿E se o Bieito fose vivo?

25 O outro riu picaramente coma quen di: “Que ocorrenzas temos”, e eu amplifiquei adrede o meu falso sorriso de retranca.

Tamén me vin a rentes de dicilo no camposanto, cando xa pousámo-la caixa e o crego requeneaba.

Cando o crego remate, pensei. Mais o crego acabou e a caixa descendeu á cova sen que eu puidera decir nada.

30 Cando o primeiro cadullo de terra bicado por un neno petou dentro da cova nas táboas do ataúde, subíronme ata a gorxa as verbas salvadoras... Estiveron a punto de saír. Mais entón acudiu novamente ó meu maxín a case seguranza do arrepiante ridículo, da rabia da familia defraudada, se o Bieito se topaba morto e ben morto. Ademais dicilo tan tarde acrecentaba o absurdo desorbitadamente. ¿Como xustificar o non o ter dito denantes? ¡Xa sei, xa sei, sempre 35 se pode un explicar! ¡Si, si, si, todo o que queirades! Pois ben... ¿e se morrese despois, despois de o sentir eu remexerse, como tal vez puidese adiviñarse por algún sinal? ¡Un crime, si un crime o me ter calado! Oíde xa o rebumbio da xente...

–Pediu auxilio e non llo deron, malpocado...

–El sentía chorar, quíxose erguer, non pudo...

40    –Morreu de espanto, saltoulle o corazón ó se sentir descender na cova...

–¡Velaí o tendes, coa cara torta do esforzo!

–¡E ese que o sabía, tan campante, aí a sorrir como un pallaso!

–¿É parvo ou que?

Todo o día, meus amigos, andei tolo de remorsos. Vía ó pobre Bieito grafiñando as táboas

45    nese espanto absoluto mais alá de todo consolo e de toda conformidade, dos enterrados en vida.

Chegoume a parecer que todos lían nos meus ollos adurmiñados e lonxanos a obsesión do delito.

E alá pola noite –non o puiden evitar– funme camiño do camposanto, coa lapela subida, arrimado ós muros.

Cheguei. O cerco por unha banda era baixiño: uns rebos mal postos, apreixados por hedras

50    e silveiras. Paseino e fun dereito ó sitio ... Deiteime no chan, apliquei a orella, e axiña o que oín xeoume o sangue. No seo da terra unhas uñas desesperadas rabuñaban nas táboas. ¿Rabuñaban?

Non sei, non sei. Alí preto había un sacho ... Ía cara a el cando fiquei suspenso. Polo camiño que

55    pasa a rentes do camposanto sentíanse pasadas e rumor de fala. Viña xente. Entón si que sería absurda, tola, a miña presencia alí, daquelas horas e cun sacho na man.

¿Ía dicir que o deixara enterrar sabendo que estaba vivo?

E fuxín coa lapela subida, pegándome ós muros.

A lúa era chea e os cans ladraban lonxe.

Rafael Dieste, *Dos arquivos do trasno. Galaxia, Vigo, 1962*

- Analiza este texto prestando especial atención á estrutura e ás técnicas narrativas que o autor emprega.
- ¿Consideras que o narrador é fidedigno? Razoa a túa resposta.
- ¿En que medida emprega o autor recursos estilísticos tirados do conto popular (linguaxe particular, marcas de oralidade, temática específica, etc.)? Argumenta a túa resposta tirando exemplos do texto.

## 1. (b)

**Recalada**

Atoparemos n-o peirán  
as follas evadidas  
d'o almanaque d'os nosos soños

5           As novas ruas de sempre  
eishibirán o escaparate  
d'as mesmas noivas inéditas

Fumaremos n-as pipas despeitivas  
todal-as transeuntes  
hostilidades mudas

10          O vaso desbicado n-outro porto  
remataremol-o eiquí n-o mesmo bar  
cabo d'o mariñeiro descoñecido  
que nos repite a mesma  
ubicua sorrisa loira

15          N-os burdeles xa saben  
que a nosa moeda  
tem o anverso de ouro  
e o reverso sentimental

20          Os ecos imprevistos  
d'o nosso cantar sonámbulo  
apagarán os focos d'a madrugada

25          Mañán despertaremos  
n-a ausenza d'esta xornada  
Esquivou-se unha folla  
do diario efusivo

Eramol-os espeutadores  
n-a prestidixitación  
d'unha hora artificial.

Manuel Antonio, *De catro a catro. Follas sin data d'un diario d'abordo*, A Coruña, Nós, 1928.

- Analiza este poema desde o punto de vista estilístico e formal.
- ¿En que medida é un poema innovador ou vanguardista? Argumenta a túa resposta.
- ¿Que recursos emprega o autor para caracterizar ós mariñeiros?
- ¿Consideras que fornece unha visión real ou idealizada do mundo do mar? Razoa a túa resposta.